

*Spiritus vester, et anima, et corpus
in adventu Domini servetur.*

Léctio Epistolæ primæ beáti Pauli apóstoli
ad Thessalonicénses

5, 16-24

Fratres:

¹⁶ Semper gaudéte,
¹⁷ sine intermissione oráte,
¹⁸ in ómnibus grátias ágite;
hæc enim volúntas Dei est in Christo Iesu erga vos.
¹⁹ Spíritum nolíte exstínguere,
²⁰ prophetías nolíte spérnere;
²¹ ómnia autem probáte,
quod bonum est tenéte,
²² ab omni spécie mala abstínéte vos.
²³ Ipse autem Deus pacis sanctíficet vos per ómnia,
et ínteger spíritus vester et ánima et corpus sine queréla
in advéntu Dómini nostri Iesu Christi servétur.
²⁴ Fidélis est, qui vocat vos, qui étiam fáciet.

Verbum Dómini.